

Константин Ильич Сосин

Биэлсэр Нарыйа

Күһүннү тыал икки
Курулас самыыр икки
Кими да таһаарбакка,
Күнү быһа хаайдылар.

Мэлдьи ыксыыр, тиэтэйэр
Нарыйа Титовнаны,
Ааны аһан тахсаатын,
Аара көрсөн тохтоттулар.

Тымныыттан иннибэккэ,
Тыалы тыал да диэбэккэ,
Туохха бачча ыксаабытын
Туоһулаһа турдулар.

"Кэбис, силлиэ, тутума,
Баһаалыста, ыыт миигин,
"Туллукчаана" детсадка
Кэтэһэллэр билигин.

Оҕолорго прививка
Оҕоробун, хаайыма.
Барар суолбун көрдөрбөккө,
Ыаҕастаах уунан кутума".

"Прививка диэн тугуй?
Уонна туохха туһалыырый?" –

Убараан ыла-ыла
Уруттаан силлиэ ыйытта.

Ыарыылары утары
Укуолларбын ааттыбын, -
Быһаарда биэлсэр Нарыйа
Нарыйа Титовна. –

Куор курдук ыарыылары
Чэпчэкитик аһараллар.
Үксүгэр, отой даҕаны,
Ыалдыбакка хаалаллар".

Астыбакка түһэ туран,
Аны самыыр ыйытта:
"Арааһа, ити укуолларын
Ыарыылаах аҕай буолуохтара?"

"Отой даҕаны! – утарда
Нарыйа Титовна. –
Айылҕаттан эһиги
Ыалдьар диэни билбэккит.

Шприцпэр эмим кыра,
Иннэлэрим синньигэстэр.
Бэйэм түргэнник туттабын,

Билбэжкэ да хаалыххыт".

"Кэбис, тутумуох, - диэтэ тыал, -

Билигин истэн ааспытым,

"Хаһан кэлэр?" дэһэннэр

Оҕолор күүтэн эрэллэр.

"Доруобуйа уруоктара"

Занятие кэмигэр

Өссө сана остуоруйа

Истээри кэтэһэллэр..."

Үөрэ түстэ Нарыйа,

Нарыйа Титовна.

Тымныны тымны диэбэжкэ,

Эмиэ детсадка тиэтэйдэ.